

PNTL Nain 10 Remata Treinamentu Ba Harahun Bomba

Membru PNTL nain 10 remata sira nia treinamentu kona ba oinsa atu harahun bomba, ne'ebe apoiu husi Japaun Demening Rekonstruksion Asistence Center (JDRAC).

Komandante Policia Akademaia Inspektur Carlos Jeronimo liu husi nia diskursu hateten katak, kursu ida ne'e la'os fasil ba ema hotu maibe so ba deit ema spesilidade ne'ebe mak iha interese ba nasaun nune'e hodi garante siguransa nasional.

Komandante PNTL Carlos hato lia hirak ne'e liu husi deskursu Tersa (16/6) iha Akademaia Policia horseik.

Carlos haktuir katak, sira nain hira mak remata ona kursu importante tebes, ba PNTL, tamba ne'e hau haoin katak mesmu sira halao treianemnetu mesmu sira hetan difesensis barak, liu-liu iha transportasion tamba wainhira sira tun ba iha terenu debes engkuantu difikulta.

Treinamentu ne'ebe mak halao ne'e diak kapas, ne'ebe mak bele hanorin ho didikasaun

ne'ebe mak diak.

"Hau hanoin treinamentu ida ne'e faze tuir mai sei remata iha 2010. hau hato agradessementu bot ba intrukturis sira husi Japaun ne'ebe mak durante fulan hira nia laran ne'ebe mak servisu hamutuk hodi fo treinamentu ida ne'e," nia hateten.

Parte seluk seluk Komandante Fokal Point Treinamentu Explosive Ordenance Disposal (EOD) Sub Inspektur Lodgerio Lay hateten katak, hanesan hotu-hotu hatene katak treinamentu EOD, iha tamba esforsu husi Komando nian ne'ebe buka meus oi-oin atu bele hasae kapasidade ba membrus PNTL sira.

"Tamba esforsu ne'ebe mak iha, loran 19 Maio 2005, ne'ebe iha akordu ida entre Governu Timor Leste, liu husi eis Ministru Interior Rojeiro Tiago Lobato, ho governu Japaun, ne'ebe mak liu husi nia reprejentante Prisedente Jepang Demening Rekonstruksion Asistence Center (JDRAC) Hirasaki, nune'e hodi asina akordu

ida iha tempo ne'eba. Akordu ne'e iha nia aratigu numeru 1 pontu 2 ne'ebe koilia kona ba treinamentu EOD ba PNTL ne'ebe mak halao iha faze lima, husi faze ida to faze hat sira ba iha treinamentu baziku, iha baze lima tama iha abansadu nian," realisa nia.

Nia haktuir, treinamentu iha primeiru faze hahu iha 26 Maio to 26 Septembru 2005, ne'ebe mak inklui ema nain 10, husi UIR Nain 5, no URP nain 5. Depois garadausaun atu kuntunuasun ba iha sigundu faze, maibe tamba hasoru krize bot ida iha 2006, nune'e sigundu faze la kuntunua maibe halao to klaran dei.

"Nune'e mak iha loran 31 Marsu 2006 hirasaki mai hamutuk ho PNTL, ne'ebe mak hatudu Lodgerio hanesan Fokal Point, nune'e hodi hasoru fali Secratario Estado Siguransa nune'e hodi halo kuntunuasun ba treinamentu ba tersera faze ne'ebe mak hahu fali iha 16 Febrero 2009 realija hikas, ne'ebe mak inklui membru nain 10, mak hanesan Unidade

Intervensaun Rapida (UIR) Unidade Policia Fronteira (UPF), no Unidade Policia Rezerva (URP)," haktuir Lodgerio.

Lodgerio afirma katak, tereinamentu ne'ebe mak durante ne'e halao hasoru desafiu oi-oin tan deit laiha ekipamentu ne'ebe mak kompletu hodi akaomula sira nia treinamentu iha parte praktika.

Iha parte seluk embaisador Japaun mai Timor Leste Iwao Kitahara hateten katak, parabens hau kontenti atu selebra imi nia susesu hodi remata ona imi nia kursu kona ba resolve materiais seidauk nakfera.

"Imi nia misaun mak atu servi comunidade Timor Leste, no treinamentu ida ne'e atu aumenta imi nia profesionalismu hanesan ofisiais, hau espera katak imi sei mantein hasai ida ne'e ho seguru wainhira imi iha okasiaun sira hanesan ne'e, halofavor mantein imi nia konyesementu matenek ba povu Timor Leste," hateten Iwao

Kitahara.

Iha parte seluk Sigundo Komandante Geral PNTL Afonso De Jesus hateten katak, liafuan ne'ebe mak komandante GEARAL PNTL hato mai hau nune'e hodi bele hato ba ita bot sira katak ita bot sira ne'ebe mak tuir formasun Explosive Ordenance Disposal (EOD) nian.

Ne'ebe mak mai husi Unidade Intervensaun Rapida (UIR) Corpo Siguransa Pesoad (CSP) Unidade Policia Rezerva (URP), no mos Unidade Policia Fronteira (UPF), konsertesu imi ne'ebe mak kursu remata imi sei fila fali ba imi ida-idak nia unidade.

Afonso hatutan katak, ho sira ne'ebe mak remata ona nia treinamentu, no esperensia ne'ebe mak durante ne'e sira aprende, nune'e lori sira mak sei dismantela sasan bomba sira ne'ebe mak hetan iha fatin ne'ebe deit. N-3